

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-11171/19
Sarajevo, 01.07.2019.godine

Na temelju člana 25.,70. i 123. stav 1) i 2) Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, Pravilnikom o uslovima i načinu korištenja E-aukcije ("Službeni glasnik BiH 66/16), a na preporuku Komisije za javnu nabavku radova - putem otvorenog postupka, Općinski načelnik d o n o s i:

ODLUKU

o izboru najpovoljnijeg ponuđača u predmetu - Izvođenje radova na rekonstrukciji vodovodne mreže u dijelu ulice Numan Paše Čuprilića i ulici Zaima Imamovića – od spoja sa ulicom Numana Paše Čuprilića do spoja sa ulicom Avde Palića

I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na rekonstrukciji vodovodne mreže u dijelu ulice Numan Paše Čuprilića i ulici Zaima Imamovića – od spoja sa ulicom Numana Paše Čuprilića do spoja sa ulicom Avde Palića (otvoreni postupak, broj obavještenja 422-1-3-131-3-54/19 objavljen u Službenom glasniku br. 36/19 dana 24.05.2019.godine i na Portalu javnih nabavki Agencije za javne nabavke BiH dana 21.05.2019.godine), dodjeljuje se ponuđaču MIBRAL doo Sarajevo, čija ukupna cijena za ugovor, nakon provedene e-aukcije iznosi 293.000,00 KM, odnosno 342.810,00 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora i Izvještaj o toku i završetku E-aukcije od 24.06.2019.godine u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona i dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na rekonstrukciji vodovodne mreže u dijelu ulice Numan Paše Čuprilića i ulici Zaima Imamovića – od spoja sa ulicom Numana Paše Čuprilića do spoja sa ulicom Avde Palića, br. 02/12-23-11171/19 od 16.05.2019.godine. Procjenjena vrijednost za predmetnu nabavku iznosi 317.948,72 KM bez PDV-a i 372.000,00 KM sa PDV-om. Javna nabavka provedena je putem otvorenog postupka za dostavu ponuda br. obavještenja 422-1-3-131-3-54/19 objavljen u Službenom glasniku br. 36/19 dana 24.05.2019.godine i na Portalu javnih nabavki Agencije za javne nabavke BiH dana 21.05.2019.godine.

Zapisnikom sa otvaranja ponuda od 12.06.2019.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene četiri (4) ponude i to od sljedećih ponuđača: BUJICE doo Konjic, Grupa ponuđača: “Manjo doo Sarajevo i Bosman doo Sarajevo”, Ted Invest doo Sarajevo i Mibral doo Sarajevo. Zapisnik sa otvaranja ponuda dostavljen ponuđačima na fax.

Nakon što je Komisija utvrdila da su pristigle četiri (4) ponude, pristupila je analizi i procjeni dokumentacije, kojom ponuđači trebaju dokazati svoje kvalifikacije za učešće u ovom postupku.

- Analizom ponude ponuđača: Ted Invest doo Sarajevo Komisija je utvrdila da ista ne ispunjava kvalifikacione uslove tražene u tenderskoj dokumentaciji, te su utvrđeni sljedeći propusti:
 - na stranici ponude 31.-32. Aneksa 3. tenderske dokumentacije na stavki “1.7.Postavljanje privremene drvene ograde sa jedne strane rova za obezbjeđenje rova u toku izvođenja radova....”. ponuđač nije upisao jediničnu cijenu i ukupan iznos za navedenu poziciju.
 - na stranici ponude 32. Aneksa 3. tenderske dokumentacije u rubrici “UKUPNO PRETHODNI RADOVI” nije upisao ukupnu cijenu.

S obzirom na naprijed navedeno, evidentno je da ponuđač Ted Invest doo Sarajevo nije popunio obrazac za cijenu (Aneks 3) na način i u skladu sa postavljenim zahtjevima za sve stavke koje su navedene, te je na taj način postupio suprotno odredbama podtačke 4.4. Cijena ponude.

- Daljom analizom ponude Ted Invest doo Sarajevo, utvrđeno je da ista nije ispunila uslov tražen u podtački 3.4.1. Tehnička i profesionalna sposobnost; stav d) i podtačka 4.2. Sadržaj ponude stav l). Naime, ovim podtačkama traženo je da ponuđač ispunji minimalan uslov o obezbjeđenosti opreme za obavljanje predmetnih radova, tačnije da dostavi dokaz o posjedovanju prevoznog sredstva (kamion) nosivosti 8 t – 3 komada. Kao dokaz o posjedovanju vozila nosivosti 8 t, od ponuđača je traženo da se dostave saobraćajne dozvole.

- Uvidom u potvrdu o registraciji AA 2091467, za teretno vozilo registarskih oznaka A92-E-930, utvrđeno je registracija istog istekla dana 25.01.2019.godine, što je mnogo ranije nego dan koji je određen kao krajnji rok zaprimanja ponuda 12.06.2019.godine. Takođe, utvrđeno je da je nosivost ovog teretnog vozila od 14,740 t, a što je više od dopuštene nosivosti tražene tenderskom dokumentacijom.

- Uvidom u dostavljenu saobraćajnu dozvolu br. AA 1960752, za teretno vozilo registarskih oznaka broj E06-M-969, utvrđeno je da je registracija takođe istekla dana 08.09.2018.godine, a da je kao krajnji rok predaje ponuda bio određen 12.06.2019.godine. Takođe i ovo vozilo ima veću dopištenu nosivost 8,950 t, nego što je to traženo u uslovim tenderske dokumentacije.

- Uvidom u saobraćajnu dozvolu broj AA3233613 za teretno vozilo registarskih oznaka broj J49-o-514, utvrđeno je da je ponuđač i ovde ponudio vozilo veće dopuštene nosivosti 9,900 t, a što takođe prelazi dozvoljenu nosivost iz uslova tenderske dokumentacije.

Na osnovu naprijed navedenog, evidentno je da ponuđač nije ispunio uslove iz podtačke 3.4.1. Tehnička i profesionalna sposobnost stav d) kojim je traženo da kamion ima nosivost 8 t, budući da su sva tri kamiona imaju veću nosivost. Registracija za dva teretna vozila, kako je naprijed navedeno, je istekla. Iz navedenih razloga, ponuda Ted Invest doo Sarajevo, je ocjenjena kao *neprihvatljiva* i nije bila predmet dalje analize i vrednovanja.

Uvidom u preostale tri (3) ponude: Bujice doo Konjic, Grupa ponuđača: "Manjo doo Sarajevo i Bosman doo Sarajevo" i Mibral doo Sarajevo, Komisija je utvrdila da sve ispunjavaju formalno-pravne i kvalifikacione uslove navedene u tenderskoj dokumentaciji. Komisija je izvršila računsku kontrolu i utvrdila da su zaprimljene ponude i računski ispravne.

Nakon gore izvršenih provjera, Komisija je utvrdila preliminarnu rang listu prihvatljivih ponuda sa ponuđenim cijenama za ugovor, koja izgleda ovako:

1. Mibral doo Sarajevo.....ukupno ponuđena cijena iznosi 316.731,80 KM bez PDV-a, odnosno 370.576,20 KM sa uračunatim PDV-om
2. Bujice doo Konjic.....ukupno ponuđena cijena iznosi 322.002,22 KM bez PDV-a, odnosno 376.742,60 KM sa uračunatim PDV-om
3. Konzorcij: Manjo doo i Bosman doo Sarajevo.....ukupno ponuđena cijena iznosi 369.217,70 KM bez PDV-a, odnosno 431.984,71 KM sa uračunatim PDV-om

Na osnovu tačke 1.5. podtačka 1.5.5. tenderske dokumentacije, kojom je predviđeno provođenje e-aukcije, a u skladu sa Pravilnikom o uslovima i načinu korištenja E-aukcije ("Službeni glasnik 66/16), zakazana je održavanje e-aukcije na Portalu javnih nabavki za dan 24.06.2019.godine sa početkom u 12:00 sati i predviđenim trajanjem iste od 10 minuta. Nakon okončane e-aukcije za predmetnu nabavku, a na osnovu dobivenog „Izveštaja o toku i završetku e-aukcije“, Komisija je utvrdila da konačna rang lista izgleda ovako:

1. Mibral doo Sarajevo.....ukupno ponuđena cijena iznosi 293.000,00 KM bez PDV-a, odnosno 342.810,00 KM sa uračunatim PDV-om
2. Bujice doo Konjic.....ukupno ponuđena cijena iznosi 293.500,00 KM bez PDV-a, odnosno 343.395,00 KM sa uračunatim PDV-om
3. Konzorcij: Manjo doo i Bosman doo Sarajevo.....ukupno ponuđena cijena iznosi 369.217,70 KM bez PDV-a, odnosno 431.984,71 KM sa uračunatim PDV-om

Shodno članu 64. Zakona stav b) - kriterij najniža cijena (tačka 5.1. tenderske dokumentacije) Komisija je, ponudu ponuđača Mibral doo Sarajevo ocjenila kao najpovoljniju.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda i preporuka Komisije za dodjelu ugovora i Izveštaj o toku i završetku e-aukcije. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđač/i koji su sudjelovali u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik



Dostaviti:

1. Ponuđaču/ima- učesniku/icima postupka
2. Služba za zajedničke poslove
3. A r h i v i / u spis